



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Selasa, 5 April 2022	
1	-Harga ayam standart melambung RM1.10 -Peniaga terpaksa naikan harga ayam bakar RM2 -Harga naik terjejas jualan ayam pusing
2	Lembu 'dara' jadi rebutan
3	Lembu pandai naik perahu
4	12 ekor lembu seludup dirampas
5	Seludup 12 ekor lembu Ramadan guna perahu
6	-Harga Ayam ' cekik darah ' RM10 sekilo -Daging lembu ' dara' dijual murah
7	Gagal seludup 12 lembu guna perahu
8	-Harga ayam naik, stok berkurangan -Penternak terpaksa jual lembu ' sado '

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Harga ayam standard melambung RM1.10

Oleh MOHAMAD FAIZAL HASHIM dan NUR NAZLINA NADZARI
utusannews@mediamula.com.my

PETALING JAYA: Pengguna di Johor Bahru terus terbeban apabila harga ayam standard meningkat sebanyak RM1.10 daripada harga runcit ditetapkan setelah kini melambung sehingga RM10 sekilogram.

Di pasar Kuala Perlis, pengguna juga mengeluh apabila seekor ayam mentah dijual RM9.20 sekilogram berbanding RM8.90 yang telah ditetapkan kerajaan.

Bekalan ayam segar yang tidak mencukupi menyebabkan pengguna termasuk peniaga bazar Ramadan sukar mendapat bekalan ayam segar untuk dijadikan menu jualan orang ramai berpuasa.

Tinjauan di beberapa pasar basah di Johor Bahru mendapati, kebanyakan peniaga menjual ayam segar antara RM9.50 hingga RM10 sekilogram setelah pembekal mengenakan caj penghantaran yang mahal.

Peniaga, Hafizul Mohamad, 40, berkata, caj penghantaran oleh pembekal amat tinggi iaitu RM1 bagi setiap sekilogram menjadikan jumlah yang perlu mereka bayar ialah RM8.60.



HAFIZUL Mohamad menyusun ayam segar yang dijual di lot niaganya di pasar basah di Pandan, Johor Bahru, semalam. - UTUSAN/MOHAMAD FAIZAL HASHIM

Katanya, ia memaksa mereka menaikkan harga jualan ayam standard kepada RM10 sekilogram, iaitu RM1.10 lebih mahal berbanding harga runcit ditetapkan RM8.90 sekilogram.

"Pembekal ini memang licik, mereka tidak melanggar harga borong ayam standard yang dibekalkan pada RM7.60 sekilogram kepada kami sebaliknya mengenakan kos penghantaran sehingga RM1 bagi setiap sekilogram ayam."

"Ini menyebabkan harga yang kami terpaksa bayar adalah RM8.60 sekilogram. Masakan boleh jual ikut harga ditetapkan (RM8.90), mahu tak mahu terpaksa jual RM10 sekilogram mengambil kira kos lain," katanya ketika ditemui.

Sementara itu, di Kangar, peniaga ayam, Madiah Mansor, 51, berkata, pembekal menaikkan harga 30 sen seki-

logram sejak hari pertama Ramadan, namun tidak memaklumkan alasan kenaikan.

Katanya, peniaga tidak mempunyai pilihan terpaksa menaikkan harga bagi mengelak menanggung kerugian.

"Apa pun kami minta pihak kerajaan dapat memantau kenaikan harga ayam di peringkat ladang ternakan bagi mengetahui sebab kenapa harga naik setiap kali Ramadan," katanya.

Peniaga terpaksa naikan harga ayam bakar RM2

KANGAR: Kenaikan harga ayam mentah dan barang keperluan mendorong peniaga ayam bakar di bazar Ramadan menaikkan harga jualan bagi mengelak menanggung kerugian.

Peniaga ayam bakar madu, Izatul Nordin, 51, berkata, harga ayam bakar terpaksa dinaikkan RM2 kepada RM22 seekor berbanding RM20 tahun lalu.

Dia tidak ada pilihan terpaksa berbuat demikian kerana kos bahan mentah sudah meningkat dan bimbang tidak balik modal jika mengekalkan harga lama.

"Saya mendapatkan ayam pada harga RM9 sekilogram daripada pembekal berbanding RM7.90 sekilogram tahun lalu. Selain itu, bahan-bahan rempah ratus menyediakan ayam bakar juga naik termasuk arang yang meningkat RM1 kepada RM6.50 sepaket."

"Tahun lepas pun harga ayam naik semasa Ramadan, namun saya memilih untuk mengekalkan harga."

"Tahun ini, harga terus meningkat dan kami sudah tidak ada pilihan selain menaikkan harga juga," katanya ketika ditemui di Bazar Ramadan Kangar di Persiaran Wawasan di sini semalam.

Sementara itu, Pengarah Pejabat Perdagangan Dalam Negeri dan Hal Ehwal Pengguna (PPDNHEP) Perlis, Norazah Jaapar yang mengadakan tinjauan dan advokasi harga di bazar itu berkata, terdapat peningkatan harga ayam segar di negeri ini beberapa hari sebelum Ramadan iaitu naik 30 sen kepada RM9.20 sekilogram.

Katanya, peniaga memaklumkan ada peningkatan kos daripada pembekal yang menyebabkan mereka terpaksa menaikkan harga tersebut.

"Kami telah memaklumkan kepada pihak kementerian jika sebarang tindakan akan diambil kerana sudah melepasi harga maksimum iaitu RM8.90."

"Manakala, bahan mentah yang lain didapati stabil, cuma ada peningkatan harga pada cili merah iaitu naik RM2 kepada RM17 sekilogram," jelasnya.

Harga naik tak jejas jualan ayam pusing

KUALA TERENGGANU: Harga bahan mentah mahal tidak menjejaskan jualan peniaga ayam pusing di bazar Ramadan Dataran Shahbandar di sini yang laris dalam tempoh dua jam sahaja.

Pemilikinya, Abdul Wafi Zainuddin, 26, berkata, seawal pukul 3 petang lagi pelanggan sudah beratur panjang di gerainya hingga ada yang terpaksa menunggu selama sejam untuk ayam siap dimasak.

Katanya, sambutan menggalakkan itu sama sekali tidak dijangka dengan harga baharu yang meningkat sebanyak RM5 bagi menampung kos bahan mentah yang mahal.

"Tahun lalu, seekor ayam pusing dijual pada harga RM22 dan kali ini kita tiada pilihan selain menaikkan harga kepada antara RM26 hingga RM28 se-

ekor bergantung kepada saiz.

"Sebenarnya daripada awal lagi saya sudah bersiap-sedia untuk menanggung risiko rugi tetapi tekaan saya silap kerana gerai kami antara yang paling ramai diserbu pelanggan walaupun harga juadah meningkat," katanya ketika ditemui Utusan Malaysia, semalam.

Bagaimanapun, Abdul Wafi tidak berhasrat menambah kuantiti ayam pusing, sebaliknya kekal sebanyak 70 ekor sehari di sebalik jualan yang laris.

Katanya, menu jualan berbeza dengan kebanyakan peniaga lain kerana dibakar bersama madu sekali gus menjadikan ayam lebih enak.

Menurutnya, dia bersama rakan kongsi turut membuka satu lagi gerai di bazar Ramadan di dataran jambatan angkat atau drawbridge di Kuala Nerus.



ABDUL Wafi Zainuddin (kanan) membakar ayam pusing madu Sarawak di bazar Ramadan Dataran Shahbandar di Kuala Terengganu, semalam.

Lembu 'dara' jadi rebutan

Oleh TOREK SULONG
utusannews@mediamula.com.my

KUALA KRAI: Daging lembu tempatan yang dijual di sepanjang jalan Kampung Laloh, di sini kini menjadi rebutan orang ramai apabila mengekalkan harga jualan RM30 sekilogram sepanjang Ramadan ini.

Difahamkan, kebanyakan peniaga daging lembu tempatan di daerah lain sudah menaikkan harga antara RM35 hingga RM38 sekilogram berikutan kenaikan harga dedak yang mencanak ketika ini.

Bercakap kepada *Utusan Malaysia*, salah seorang peniaga terbabit, Abdullah Ismail, 60, berkata, kumpulan peniaga di jalan itu yang menjual daging lembu 'dara' iaitu lembu betina muda sepatutnya untuk tidak menaikkan harga.

Kata Abdullah, sepanjang Ramadan ini, daging lembu dara kekal RM30 sekilogram manakala tulang, perut serta organ dalam haiwan itu kekal RM25 selonggok.

"Harga dedak ketika ini memang tinggi namun bukan alasan untuk kami menjual daging lembu tempatan pada harga 'kayangan'."

"Penternak di kampung ini masih ada pilihan lain untuk memberi lembu masing-masing makan iaitu menggunakan



ABDULLAH Ismail (bersemutar) melayan pembeli di gerai daging lembu yang dibuka di tepi jalan Kampung Laloh, Kuala Krai. - UTUSAN/TOREK SULONG

rumput yang ditanam," katanya ketika ditemui di gerai jualan daging di Kampung Laloh di sini semalam.

Seorang lagi peniaga, Muhammad Fadil Abdul Razak, 40, berkata, jualan daging lembu segar pada Ramadan ini meningkat sekali ganda kerana menerima permintaan tinggi

berbanding hari biasa.

"Orang ramai gemar mendapatkan daging lembu dara kerana isinya dikatakan lebih lembut."

"Disebabkan jualan laris biarpun baru hari kedua Ramadan, saya rancang untuk sembelih dua hingga empat ekor lembu sehari sepanjang bulan puasa ini

bagi menampung permintaan pelanggan," katanya.

Tambah Muhammad Fadil, selain penduduk tempatan, pelanggan yang singgah di gerai tepi jalan itu merupakan anak perantauan Kelantan dari Kuala Lumpur yang pulang untuk menyambut awal Ramadan bersama keluarga di kampung.

Oleh Syaherah Mustafa
am@hmetro.com.my

Pasir Mas

Usaha sekumpulan lelaki yang memindahkan 12 lembu menggunakan perahu untuk diseludup masuk ke dalam negara gagal apabila kegiatan mereka dikesan anggota Batalion 9 Pasukan Gerakan Am (PGA9), di Sungai Tok Rusa, Meranti, di sini, malam kelmarin.

Pegawai Pemerintah Medan Superintendan Azhari Nusi berkata, dalam kejadian jam 10 malam itu, anggota bertugas membuat intipan dan mendapati terdapat pergerakan perahu di sungai berkenaan yang didalangi sekumpulan lelaki.

Katanya, hasil pemerhatian selamat beberapa minit, kumpulan lelaki berkenaan sedang memindahkan beberapa lembu ke tebing selepas membawa haiwan ternakan itu menyeberangi sungai terbabit.

"Anggota kemudian menghampiri mereka namun kesemua lelaki yang disyaki penyeludup ini melarikan diri menggunakan perahu ke negara jiran.

"Pemeriksaan dijalankan di tebing sungai dan terdapat 12 lembu bernilai RM67,200 dipercayai dibawa masuk dari Thailand untuk pasaran dalam negara. Anggota menunggu selama satu jam, namun tiada individu yang datang menuntut.

"Dengan dibantu anggota Batalion 7 Pasukan Gerakan Am (PGA7), mereka merampas kesemua lembu terbabit untuk siasatan lanjut sebelum diserahkan kepada Jabatan Perkhidmatan Kuarantin dan Pemeriksaan Malaysia (Maqis)," katanya dalam kenyataan media, semalam.


Katanya, kes disiasat di bawah Seksyen 11(1) Akta Perkhidmatan Kuarantin Dan Pemeriksaan Malaysia 2011.

Azhari berkata, siasatan mendapati kesemua lembu berkenaan dibawa untuk pasaran dalam negara yang mana bagi memenuhi permintaan daging di sepanjang Ramadan.

"Penyeludup menggunakan modus operandi dengan membawa masuk lembu pada waktu

Lembu pandai naik perahu!

PGA9 patahkan cubaan penyeludup bawa masuk 12 ekor lembu bernilai RM67,200 dari Thailand



LEMBU seludup yang dirampas anggota PGA9 di Sungai Tok Rusa, Meranti.

malam bagi mengelak daripada pihak berkuasa dengan semak sebelum dipindahkan menggunakan lori. Kawasan penyeludupan juga sentiasa berubah-ubah bagi mengelak dikesan

"Biasanya ternakan ini

**Kawasan
penyeludupan
sentiasa
berubah-ubah bagi
mengelak dikesan**

anggota bertugas," katanya.

Menurutnya, aktiviti penyeludupan sepanjang Ramadan dijangka terus berlaku, justeru pegawai dan anggota PGA yang bertugas di Ops Wawasan Kelantan akan terus bersiap sedia mengawal sempadan Malaysia-Thailand.

12 ekor lembu seludup dirampas

PASIR MAS - Pasukan Gerakan Am (PGA) mematahkan aktiviti penyeludupan 12 ekor lembu yang dibawa masuk secara haram ke negara ini menggunakan perahu dengan menyelusuri Sungai Golok dalam serbuan di kawasan semak berhampiran Sungai Tok Rusa, Meranti, di sini pada Sabtu.

Rampasan lembu itu dilakukan oleh sepasukan anggota dari Batalion 9 PGA Kuala Terengganu yang melakukan penugasan Op Wawasan di sempadan Malaysia-Thailand pada jam 11 malam.

Pegawai Pemerintah Medan, Superintendan Azhari Nusi berkata, nilai rampasan keseluruhan lembu seludup itu dianggarkan berjumlah RM67,200.

“Bertindak atas maklumat, sepasukan anggota Batalion 9 telah membuat intipan dan melihat pergerakan perahu membawa lembu diseludup dari negara jiran ke Malaysia melalui bawah jambatan Jalan Kasban Sungai Tok Rusa yang bersambung dengan Sungai Golok,” katanya dalam kenyataan pada Isnin.

Menurutnya, sebaik sahaja perahu itu berhenti kelihatan beberapa orang lelaki sedang menarik lembu dari dalam perahu ke atas darat.

Beliau berkata, sejurus menyedari kehadiran pengadu bersama anggota, beberapa lelaki bertindak melarikan diri ke negara jiran menggunakan perahu bagi mengelak dicekup.

Azhari berkata, pemeriksaan telah menemui 12 ekor lembu di lokasi serbuan.

“Kita tidak menolak kemungkinan lembu-lembu ini dibawa masuk untuk memenuhi permintaan sepanjang bulan Ramadan,” ujarinya.

Menurutnya, kes disiasat bawah 11(1) Akta Pekhidmatan Kurantin Dan Pemeriksaan Malaysia 2011.



SEBAHAGIAN lembu yang ditinggalkan penyeludup di tepi semak berhampiran Sungai Tok Rusa, Rantau Panjang kelmarin. – IHSAN PGA

Seludup 12 ekor lembu Ramadan guna perahu

RANTAU PANJANG – Cubaan sekumpulan penyeludup membawa masuk 12 ekor lembu bernilai RM67,200 tidak kesampaian selepas kegiatan mereka dihidu anggota Pasukan Gerakan Am (PGA) di kawasan semak berhampiran Sungai Tok Rusa, Meranti di sini kelmarin.

Kegiatan itu dikesan Batalion 9 PGA ketika menjalankan tugas di sempadan Malaysia-Thailand melalui Op Wawasan kira-kira pukul 11 malam.

Pegawai Pemerintah Medan PGA, Superintendan Azhari Nusi berkata, anggota bertugas telah menjalankan intipan di kawasan itu selepas menerima maklumat mengenai kegiatan penyeludupan.

Menurutnya, lembu-lembu itu diseludup masuk ke negara

ini menggunakan perahu melalui bawah jambatan di jalan Kasban Sungai Tok Rusa yang bersambung dengan Sungai Golok.

“Beberapa orang lelaki dilihat menarik lembu dari atas perahu ke darat.

“Menyedari kehadiran anggota PGA, kumpulan penyeludup itu menaiki perahu itu sebelum melarikan diri ke negara jiran,” katanya semalam.

Azhari memberitahu, pemeriksaan di lokasi itu telah menjumpai 12 ekor lembu yang ditinggalkan dan dipercayai untuk dijual semasa bulan Ramadan di negeri itu.

Tambahnya, kes disiasat mengikut Seksyen 11(1) Akta Perkhidmatan Kuarantin Dan Pemeriksaan Malaysia 2011.

Kenaikan sebanyak RM1.10, peniaga dakwa pembekal naikan caj penghantaran

Harga ayam 'cekik darah' RM10 sekilo

Oleh MOHAMAD FAIZAL HASHIM

JOHOR BAHRU – Pengguna di bandar raya ini terus terbeban selepas harga ayam standard naik RM1.10 menjadikan harga jualan melambung antara RM9.50 sehingga RM10 sekilogram.

Kenaikan itu dakwa peniaga berikutan tindakan pembekal yang menaikkan caj penghantaran iaitu RM1 bagi setiap sekilogram ayam berbanding 50 sen sebelum ini.

Peniaga, Hafizul Mohamad, 40, berkata, caj penghantaran yang dikenakan pembekal sangat tinggi iaitu RM1 sekilogram menjadikan jumlah yang perlu mereka bayar ialah RM8.60.

Katanya, langkah itu memaksa mereka untuk menaikkan harga jualan ayam standard kepada RM10 sekilogram iaitu RM1.10 lebih mahal banding harga runcit ditetapkan, RM8.90 sekilogram.

"Pembekal memang licik, mereka tidak melanggar harga borong ayam standard yang dibekalkan pada RM7.60 sekilogram sebaliknya mengenakan kos penghantaran sehingga RM1 bagi setiap sekilogram ayam."

"Ini menyebabkan harga yang kami terpaksa bayar adalah RM8.60 sekilogram, sudah tentu tidak boleh jual ikut harga ditetapkan (RM8.90), mahu tak



HAFIZUL menyusun ayam segar yang dijualnya dengan harga RM10 sekilogram di Pasar Awam S'mart Pandan, Johor Bahru, semalam.

mahu terpaksa jual RM10 sekilogram dengan mengambil kira kos lain," katanya semalam.

Mengulas lanjut, Hafizul memberitahu, kenaikan harga ayam segar itu turut menyebabkan

bekalan bahan mentah tersebut sukar diperolehi dan dia hanya menerima 200 ekor sahaja.

"Kebiasaannya, saya tempah 500 ekor ayam segar setiap hari, tetapi hari ini dapat 200 sahaja dan saya terpaksa hadkan jualan, seorang pelanggan hanya boleh beli lima ekor sahaja."

"Permintaan ketika ini sangat tinggi, kira-kira pukul 12 tengah hari semua ayam segar ini habis dijual. Harap pihak kerajaan dapat mengambil tindakan sewajarnya berkenaan kenaikan harga dan kekurangan bekalan ayam segar ini," tambahnya.

Menurut seorang pelanggan, Fairus Talib, 34, dia terkejut melihat harga ayam standard melambung sehingga RM10 sekilogram dan menyifatkan ia sangat membebankan pengguna.

"Kenaikan harga ayam ketika Ramadan ini amat tidak munasabah dan membebankan masyarakat Islam umumnya, tiada pilihan lain selain perlu membayar harga 'cekik darah' ini," ujarnya.

Bagi pesara kerajaan, Manan Abd Hamid, 76, bekalan ayam segar itu hampir habis ketika tiba ke pasar berkenaan kira-kira 12 tengah hari dan harganya cukup tinggi.

"Jika dahulu, harga tidak sampai RM9 tetapi kini mencecah RM10 sekilogram. Apa nak buat, terpaksa beli kerana cucu suka makan ayam," ujar.

Daging lembu 'dara' dijual murah

KUALA KRAI – Orang ramai yang ingin menikmati daging lembu 'dara' atau lembu betina muda boleh mendapatkannya di gerai sepanjang jalan Kampung Laloh di sini, dengan harga RM30 sekilogram.

Seorang peniaga, Abdullah Ismail, 63, berkata, selain daging lembu, harga tulang, perut dan organ dalaman haiwan itu masih kekal dijual RM25 sekilogram.

Menurutnya, harga berkenaan lebih murah berbanding daerah lain yang menjual antara RM35 hingga RM38 sekilogram.

"Harga dedak yang tinggi bukan alasan untuk menjual daging pada harga kayangan."

"Penternak boleh memberi lembu makan rumput sekiranya harga dedak terus meningkat," katanya semalam.

Peniaga lain, Muhamad Fadil Abdul Razak, 40, berkata, dia menambah bilangan jualan daging pada bulan Ramadan kerana menerima permintaan tinggi se-



ABDULLAH (kiri) melapah dan membungkus daging lembu 'dara' di gerainya di Kampung Laloh, Kuala Krai semalam. – TOREK SULONG

lain pembeli lebih gemar mendapatkan bekalan lembu dara yang lebih lembut dagingnya.

"Saya menjangkakan dua

hingga empat ekor lembu akan disembelih untuk jualan sehari sepanjang Ramadan berbanding sebelum ini," jelasnya.

Gagal seludup 12 lembu guna perahu

Pasir Mas: Batalion 9 Pasukan Gerakan Am (PGA9) merampas 12 lembu bernilai RM67,200 yang cuba diseludup sekumpulan lelaki menggunakan perahu di Sungai Tok Rusa, Meranti, di sini, malam kelmarin.

Pegawai Pemerintah Medan, Superintendan Azhari Nusi, berkata dalam kejadian jam 10 malam itu, anggota bertugas membuat intipan dan mendapati terdapat pergerakan perahu di sungai berkenaan yang didalangi sekumpulan lelaki.

Beliau berkata, lelaki berkenaan sedang memindahkan beberapa lembu ke tebing selepas membawa ternakan itu menyeberangi Sungai Tok Rusa.

"Dalam keadaan sedia, anggota bertugas kemudian menghampiri mereka namun semua lelaki yang disyaki penyeludup melarikan diri menggunakan perahu ke negara jiran.

"Pemeriksaan di tebing sungai menemui 12 lembu dipercayai dibawa masuk dari Thailand untuk pasaran dalam negara.

"Anggota menunggu selama satu jam, namun tiada individu datang menuntut ternakan itu," katanya.

Harga ayam naik, stok berkurangan

Peniaga di Johor Bahru terpaksa jual RM10 sekilogram

Oleh Mohamed Farid Noh dan Aizat Sharif
bhnews@bh.com.my

Johor Bahru: Harga ayam segar di bandar raya ini naik kepada RM10 sekilogram bermula kelmarin, sekali gus dijual melebihi harga siling ditetapkan kerajaan iaitu RM8.90 sekilogram.

Tinjauan pasar basah utama di Pandan dan Larkin, di sini, mendapati kebanyakan penjual tidak mematuhi harga siling ditetapkan kerajaan dan menjualnya antara RM9.50 hingga RM10 sekilogram iaitu antara 60 sen hingga RM1.10 lebih tinggi.

Walaupun harga semakin mahal, pengguna dilihat berebut-rebut membeli kerana stok ayam segar yang dijual tidak banyak walaupun belum masuk waktu tengah hari.

Peniaga ayam, Hafizul Mohamad, 40, berkata peniaga semakin

tersepit kerana menerima bekalan pada harga tinggi iaitu RM8.60 sekilogram daripada pembekal.

Katanya, ia menyebabkan kebanyakan peniaga tidak dapat mematuhi harga siling ayam segar yang ditetapkan kerajaan.

"Peniaga menerima harga ayam segar RM8.60 sekilogram merangkumi kos pengangkutan RMI setiap kilogram.

"Kami terpaksa membayar kos pengangkutan sejak kerajaan menguatkuasakan harga kawalan ayam 5 Februari lalu, sedangkan sebelum ini kami tidak dikenakan kos itu (pengangkutan).

"Bagaimana peniaga nak jual ayam segar RM8.90 sekilogram mengikut harga kawalan, sedangkan harga ayam sampai pun sudah RM8.60.

"Jika dulu setiap kali Ramadan peniaga dapat jual sehingga 500 ayam sehari, kini stok tidak mencukupi. Pembekal 'mencatu' bekalan kepada peniaga menyebabkan kami hanya menerima separuh daripada pesanan," katanya ketika ditemui, semalam.

Pengguna pula kecewa harga ayam yang mahal, selain stoknya berkurangan.

Penjawat awam, Fairuz Talib, 34, berkata beliau terkejut mendapati harga ayam segar naik men-

dadak kepada RM10 sekilogram.

"Saya sebenarnya dari Kuala Lumpur dan pulang ke kampung menyambut Ramadan. Di Kuala Lumpur harga ayam rasanya tidak pernah lebih RM9 sekilogram, jadi saya terkejut apabila beli ayam tadi (semalam) RM10," katanya kenaikan harga ayam ketika Ramadan amat tidak munasabah dan membebankan rakyat.

Pesara kerajaan, Manan Abd Hamid, 76, berkata stok ayam juga semakin berkurangan dan hampir habis ketika beliau sampai ke pasar kira-kira jam 12 tengah hari.

"Harga naik sehingga RM10 sekilogram sangat membebankan, apatah lagi ini makanan utama rakyat," katanya.

Pada 5 Februari lalu, Kementerian Perdagangan Dalam Negeri dan Hal Ehwal Pengguna (KPDNHEP) menetapkan harga siling runcit ayam standard RM8.90 sekilogram di Semenanjung.

Menterinya, Datuk Seri Alexander Nanta Linggi dilaporkan berkata, harga itu akan dikuat kuasa mulai 5 Februari sehingga 5 Jun depan iaitu selama 121 hari bagi menjamin kestabilan harga ayam dan makanan berkaitan harga mentah itu.

Di Arau, harga ayam mentah di Perlis naik 30 sen bermula



Harga ayam di Arau, Perlis naik 30 sen bermula kelmarin dijual RM8.90 hingga RM9.20 sekilogram. (Foto Aizat Sharif/BH)

kelmarin antara RM8.90 hingga RM9.20 sekilogram berikutan pembekal mendakwa berlaku peningkatan kos harga barangan.

Peniaga ayam di Pasar Besar Arau, Ku Azri Mutalib, 37, berkata dia menjual ayam segar RM8.90 sekilogram dan mengakui terdapat pelbagai jenis harga ayam mentah yang dijual di pasar itu.

"Sebenarnya, ia (harga) bergantung kepada pembekal yang membekalkan stok ayam mentah kepada penjual dengan harga tertentu.

"Terdapat pelbagai kenaikan kos harga barangan ketika ini, jadi sudah tentu pembekal menjual stok ayam mentah pada harga tertentu dan kita sebagai penjual juga tidak boleh terus kekal dengan harga sebelum ini," katanya.

Seorang lagi peniaga ayam yang mahu dikenali sebagai Hussein, 30, berkata kenaikan harga itu adalah biasa dan bukan sengaja ditetapkan penjual.

"Pembekal membekalkan be-

kalan ayam mentah kepada saya dengan harga tinggi, jadi untuk mendapatkan semula modal jualan saya perlu menjual pada harga yang agak setimpal seperti ditetapkan pembekal," katanya.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Perlis, Norazah Jaapar, berkata pihaknya mengakui berlaku peningkatan harga barangan mentah terutama ayam di negeri itu.

"Harga barangan mentah pada satu hingga dua hari Ramadan mengalami peningkatan dengan kenaikan seperti ayam mentah standard sebanyak 30 sen.

"Harga ayam mentah di Perlis ketika ini sudah pun melepasi Skim Harga Maksimum Keluarga Malaysia (SHMKM) yang ditetapkan kerajaan sejak awal tahun ini," katanya ketika ditemui melakukan tinjauan harga barang makanan di Bazar Ramadan Persiaran Wawasan, Kangar.

Penternak terpaksa jual lembu 'sado'

Kuala Terengganu: Seorang penternak lembu baka di Kampung Gong Pok Maseh, di sini, terpaksa menjual sebahagian haiwan ternakannya berikutan kos makanan yang semakin meningkat.


Ibrahim Mohamad, 70, berkata dia antara penternak lembu baka paling banyak dan lama di negeri ini yang terkesan dengan kenaikan harga makanan lembu di pasaran.

Katanya, dia sudah buntu memikirkan isu kenaikan harga makanan ternakan yang tidak terkawal.

"Lembu baka Limosin yang paling saya sayang dan dianggarkan seberat lebih 1,000 kilogram atau satu metrik tan antara yang terpaksa dijual.

"Saya mempunyai 13 lembu baka Charolais, Limosin dan Belgian Blue. Kenaikan harga makanan lembu ketika ini paling tinggi sejak 39 tahun saya bergiat dalam penternakan lembu baka itu," katanya ketika ditemui, semalam.

Ibrahim berkata, dia memperuntukkan RM300 hingga RM400 sebulan untuk membeli



Ibrahim bersama lembu baka limosin yang terpaksa dijual susulan kenaikan harga makanan ternakan. (Foto Ahmad Rabiul Zulkifli/BH)

makanan lembunya sebelum ini. "Sekarang harga makanan lembu meningkat, termasuk juga kos bulanan hingga lebih RM500 sebulan.

"Jika hanya harapan rumput minyak memang tidak memadai, malah lembu baka juga lambat gemuk dan lebih teruk beratnya boleh susut.

"Jadi, saya terpaksa menjual

beberapa lembu kesayangan bagi memastikan sebahagian lembu yang masih kecil dapat dibekalkan makanan seperti biasa," katanya.

Beliau berkata, biarpun cabaran penternakan lembu baka cara kandang fidlot itu semakin hari semakin meningkat namun kegiatan penternakan itu tetap dijalankan.